

1

DEFINITIOUN
"KAND"

2

KENG
DISKRIMINÉIERUNG

3

WUEL VUM KAND

4

VERWIERKLECHUNG
VUN DE
KANNERRECHTER

5

ROLL VUN DER
FAMILL

6

LIEWEN,
IWWERLIEWEN AN
ENTWÉCKLUNG

7

NUMM AN
NATIONALITÉIT

8

IDENTITÉIT

9

ERHALE VUN DER
EENHEET VUN DER
FAMILL

10

KONTAKT MAT
DEN ELTEREN AM
AUSLAND

11

SCHUTZ VIRUN
ENTFÉIERUNG

12

RESPEKT VIRUM
KAND SENG
MEENUNG

13

FRÄIEN AUSTAUSCH
VUN IDDIEN

14

GEDANKEN- A
RELIOUNSFRÄIHEET

15

GRUPPE GRËNNEN
A BÄITRIEDEN

16

SCHUTZ VUN DER
PRIVATSPHÄR

17

ZUGANG ZU
INFORMATIUNEN

18

VERANTWORTUNG
VUN DEN ELTEREN

19

SCHUTZ VIRU
GEWALT

20

KANNER OUNI
FAMILL

21

ADOPTÉIERT
KANNER

22


FLÜCHTLINGS-
KANNER

23

KANNER
MAT ENGER
BEHËNNERUNG

24

GESONDHEET,
WAASSER,
ERNÄRUNG, ËMWELT

25

IWWERPRÉIWE
VUM PLACEMENT
VUM KAND

26

STAATLECH HËLLEF

27

Iessen, KLEEDUNG
A SÉCHERT DOHEEM

28

ZUGANG ZUR
BILDUNG

29

EDUCATIOUNSZILER

30

ËNNERSCHIDDLICH
KULTUR, SPROOCH
A RELIOUN

31

ERHUELUNG, SPILL,
KULTUR A KONSCHT

32

SCHUTZ VIRU
GEFÉIERLECHER
AARBECHT

33

SCHUTZ VIRUN
DROGEN

34

SCHUTZ VIRU
SEXUELLER GEWALT

35

PRÄVENTIOUN VU
KANNERVERKAF AN
-HANDEL

36

SCHUTZ VIRUN
AUSBEUTUNG

37

KANNER AN HAFT

38

SCHUTZ A
KRICHSZÄITEN

39

GESOND GINN A
REINTEGRATIOUN

40

VERSTOUSS GÉINT
D'GESETZ

41

UWENDUNG VUM
BESCHTMÉIGLECHE
GESETZ

42

BEKANNTMAACHE
VUN DE RECHTER
VUM KAND

43-54

FONCTIONNEMENT
VUN DER
KONVENTIOUN

KONVENTIOUN IWWER D'RECHTER VUM KAND

7 Wa se op d'Welt kommen, mussen Kanner ugemellt ginn an en Numm kréien, dee vun der Regierung vun hirem Land offiziell unerkannt ass. Kanner mussen eng Nationalitéit hunn (zu engem Land gehéieren). Souwäit ewéi méiglech mussen d'Kanner hir Eltere kennen a vun hinnen erzu ginn.

6 All Kand huet Recht op Liewen. D'Regierung muss sech vergewësseren, dass d'Kanner iwverliewen a sech esou gutt ewéi méiglech entfale kënnen.

5 D'Regierung mussen et de Familjen a Communautéiten erméiglechen, hir Kanner esou ze férdere, dass se beim Opwuesse léieren, hir Rechter esou gutt ewéi méiglech wouerzehuelen. Wat d'Kanner méi al ginn, wat se manner Rotschléi brauche wäerten.

4 D'Regierung mussen sech beschtméiglech beméien, fir sécherzestellen, dass alleguerten d'Kanner, déi an hirem Land liewen an och déi, déi just zäitweilleg do sinn, vun all de Rechter kënnen profitéieren, déi an deser Konventioun festgehale sinn.

3 Wann déi Erwuessen Entschuedungen treffen, mussen si iwverleeën, wéi een Impakt des Decisiounen op d'Kanner hunn. All Erwuesse mussen dat maachen, wat fir d'Kanner am beschten ass. D'Regierung mussen sech vergewësseren, dass d'Kanner beschützt a versuergt gi vun hiren Elteren oder aner Persoune wa néideg. Se mussen drop uechten, dass d'Persounen an d'Instanzen, déi sech em d'Kanner këmmere, hir Aarbecht esou gutt ewéi méiglech maachen.

2 Alleguerten d'Kanner hunn déi selwecht Rechter, ob Jong oder Meedchen, egal wie se sinn, wou se liewen, wat fir eng Sprooch se schwätzen, wat fir eng Relioun se hunn, wat se denken, wéi se ausgesinn, ob se eng Behënnerung hunn, ob se aarm oder räich sinn, wien hir Elteren oder Famill sinn a wat des denken oder maachen. Kee Kand daerf aus iergendengem Grund ongerecht behandelt ginn.

1 E Kand ass eng Persoun, déi manner ewéi 18 Joer al ass.

14 Kanner hunn d'Recht, hir eege Gedanken, Meenungen a Relioun ze hunn, mee dat daerf aner Persounen net dovun ofhalen, vun hire Rechter ze profitéieren. Eltere kënnen hir Kanner guidéieren an hinne bäibréngen, d'est Recht, wa se grouss ginn, richteg wouerzehuelen.

13 Kanner hunn d'Recht, fréi ze äusseren, wat si léieren, denken oder fillen, sief dat duerch Schwätzen, Molen, Schreiwene oder op eng aner Manéier, ausser wann dat anere Persoune schuet.

12 Kanner hunn d'Recht, hir Meenung iwver Froen, déi si betreffen, fréi ze äusseren. Déi Erwuesse mussen hinnen opmierksam nolauschteren a si eescht huelen.

11 D'Regierung mussen verhënneren, dass e Kand aus engem Land erausbruecht gëtt, wann d'Gesetz dat net erlaabt. Dat kann zum Beispill bei enger Entféierung oder wann ee vun deenen zwee Elteren e Kand an engem anere Land géint de Wëlle vun aneren Elterendeel zeréckhält, virkommen.

10 Wann e Kand net am selwechte Land wéi seng Eltere leeft, mussen d'Regierungen et erlaben, dass d'Kand an d'Eltere reese kënnen, fir dass se a Kontakt bleiwen an Zäit zesumme verbréngen kënnen.

9 Kanner daerfen net vun hiren Eltere getrennt ginn, ausser, wann des se net op eng adequat Aart a Weis erzielen. Dat ass de Fall, wann een Elterendeel engem Kand schuet oder sech net em et këmmert. Kanner, deenen hir Elteren net zesummeliewen, mussen mat deenen zwee Elteren a Kontakt bleiwen, ausser wann dat hinne schuet.

8 Kanner hunn d'Recht, hir eegen Identitéit ze hunn, dat heescht, en offiziell Dokument, dat ugëtt, wie se sinn, a wou och hiren Numm, hir Nationalitéit an hir Familljebeziungen dropstinn. Et daerf keen hinnen des Identitéit ewechhuelen. Wann dat trotzdem virkënt, mussen d'Regierungen hëllef, d'Identitéit esou séier ewéi méiglech ermëzefannen.

21 Wann e Kand adoptéiert gëtt, ass dat Wichtigst, dass fir d'Wuel vum Kand gehandelt gëtt. Wann e Kand a sengem eegene Land net op eng adequat Aart a Weis erzu ka ginn – zum Beispill, wann et mat enger anerer Famill leeft – kann et an engem anere Land adoptéiert ginn.

20 All Kand, dat net a senger eegener Famill kann erzu ginn, huet d'Recht, op eng adequat Aart a Weis vu Persounen erzunn ze ginn, déi seng Relioun, seng Kultur, seng Sprooch an all aneren Aspekt vu sengem Liewe respektéieren.

19 D'Regierung mussen d'Kanner viru Gewalt, Mëssbrauch oder e Manktem u Fleege an d'Verantwortung fir dem Kand seng Erziéung engem aneren Erwuessenen iwverdroe ginn, deen „gesetzleche Vertrieeder“ genannt gëtt. D'Elteren an déi gesetzlech Vertrieeder mussen ëmmer am Sënn vum Wuel vum Kand handeln. D'Regierung vum Land muss hinnen hëllef. Wann e Kand béid Elterendeeler huet, si se allen zwee fir seng Erziéung verantwortlech.

18 D'Elteren droen d'Haaptverantwortung fir d'Erziéung. Wann e Kand keng Elteren huet, muss d'Verantwortung fir dem Kand seng Erziéung engem aneren Erwuessenen iwverdroe ginn, deen „gesetzleche Vertrieeder“ genannt gëtt. D'Elteren an déi gesetzlech Vertrieeder mussen ëmmer am Sënn vum Wuel vum Kand handeln. D'Regierung vum Land muss hinnen hëllef. Wann e Kand béid Elterendeeler huet, si se allen zwee fir seng Erziéung verantwortlech.

17 Kanner hunn d'Recht, Zougang op Informatiounen aus dem Internet, aus dem Radio, vun der Télee, aus Zeitungen, aus Bicher an aus anere Quellen ze hunn. Déi Erwuesse mussen sécherstellen, dass des Informatiounen net geféierlech fir d'Kanner sinn. D'Regierung mussen d'Medien encouragéieren, Informatiounen aus verschidde Quellen a kannergerechter Sprooch ze verëffentlechen.

16 All Kand huet Recht op e Privatliwene. D'Gesetz muss d'Kanner géint all Ugrëff op hiert Privatliwene, hir Famill, hiert Doheem, hir Kommunikatiounen an hire Ruff schützen.

15 Kanner kënnen Gruppen oder Associatioune bäitrieden oder och grënnen a sech mat anere Persounen treffen, soulaang dat kengem schuet.

28 All Kand huet Recht op Bildung. D'Grondschoul muss gratis sinn. All Kand muss Zougang zum Secondaire an op Héichschoulbildung hunn. Kanner mussen encouragéiert ginn, den héchstméigleche Bildungsniveau ze errechen. D'Disziplin an der Schoul muss un d'Kannerrechter adaptéiert sinn an et daerf ni op Gewalt zeréckgegraff ginn.

27 Kanner hu Recht op Ernährung an op Kleedung a si hunn d'Recht, op enger sécherer Plaz ze wunnen, fir sech esou gutt ewéi méiglech ze entfalten. D'Regierung mussen de Familjen a Kanner hëllef, déi keng Mëttel hu fir dat alles ze kafen.

26 D'Regierung mussen finanziell Mëttel an aner Ennerstëtzungsmëttel zur Verfügung stellen, fir de Kanner aus aarme Verhältnissen ze hëllef.

25 Wann e Kand placéiert gëtt, fir op enger anerer Plaz ze wunne wéi doheem, sief dat aus Fleegegrënn, fir säi Schutz ze garantéieren oder aus Gesondheetsgrënn, muss reegelmëisseg iwverpréift ginn, ob et em gutt geet an ob et nach ëmmer déi Plaz ass, déi sech am beschte fir et eegent.

24 Kanner hu Recht op déi beschtméiglech Gesondheetsversuergung, op Dréinkwaasser, op gesond Ernährung an op e Liewen an enger propperer a sécherer Ëmwelt. Alleguerten déi Erwuessen an d'Kanner mussen driwwer informéiert sinn, wéi een a Sécherheet a bei Gesondheet bleift.

23 All Kand mat enger Behënnerung muss dat beschtméiglecht Liewen an der Gesellschaft féiere kënnen. D'Regierung mussen all d'Barrièren ofschaffen, déi et de Kanner mat enger Behënnerung net erlaben, autonom ze ginn an aktiv um Liewen an der Gesellschaft deelzehuelen.

22 E Kand, dat sech als Flüchtling an engem anere Land niddlerléisst (well et a sengem eegene Land net a Sécherheet war), muss Schutz an Hëllef kréien an déi selwecht Rechter hunn ewéi déi Kanner, déi an deem Land gebuer sinn, an dat et geflücht ass.

35 D'Regierung mussen dofir suergen, dass d'Kanner net entféiert oder verkaaft ginn an dass se net an aner Länner oder op aner Plaze bruecht ginn, fir do ausgebeut ze ginn (dorënner versteet een, dass vun hinne profitéiert gëtt).

34 D'Regierung mussen d'Kanner viru sexueller Ausbeutung a viru sexueller Gewalt schützen. Dat beinhalt och de Schutz viru Leit, déi Kanner zwéngen, bezuelt sexuell Relatiounen anzegoen, oder Fotoen oder Filmer sexueller Natur ze maachen.

33 D'Regierung mussen d'Kanner viru geféierlechen Droge schützen an dofir suergen, dass si där keng huelen, produzéieren, transportéieren a verkafen.

32 Kanner hunn d'Recht, virun Aarbecht geschützt ze ginn, déi geféierlech oder schlecht fir hir Education, hir Gesondheet oder hir Entwécklung ass. Wa se schaffen, hu se d'Recht, a Sécherheet ze sinn an adequat bezuelt ze ginn.

31 All Kand huet d'Recht, sech auszerouen, sech ze entspannen, ze spillen an u kulturellen a kreativen Aktivitéiten deelzehuelen.

30 All Kand huet d'Recht, seng eege Sprooch ze schwätzen a seng eege Kultur a Relioun auszeüben, och wann d'Majoritéit vun de Leit, déi a sengem Land wunnen, eng aner Sprooch, eng aner Kultur oder eng aner Relioun hunn.

29 D'Bildung vun de Kanner muss hinnen hëllef, hir Perséinlechkeet, hir Talenter an hir Fäegkeete vollstänneg ze entwéckelen. Se muss et hinnen erméiglechen, hir Rechter ze verstoen an d'Rechter an d'Kultur vun anere Persounen esouwéi hir Ennerscheeder ze respektéieren. Se muss hinnen hëllef, am Fridden ze liewen an d'Ëmwelt ze schützen.

42 D'Regierung mussen sech aktiv dofir asetzen, de Kanner an och den Erwuessenen des Konventioun méi no ze bréngen, fir dass jiddwereen iwver d'Kannerrechter informéiert ass.

41 Wann e Land Gesetzer huet, déi d'Kannerrechter besser schützen ewéi des Konventioun, mussen déi Gesetzer ugewant ginn.

40 Kanner, déi beschëllegt sinn, géint d'Gesetz verstouss ze hunn, hu Recht op eng gerecht Behandlung an op Hëllef vu Persounen, déi d'Gesetz kennen. Et mussen vill Méiglechkeete bestoen, fir de Kanner ze hëllef, gutt Membere vun eiser Gesellschaft ze ginn. De Prisong muss ëmmer déi lescht Optioun sinn.


39 All Kand huet Recht op Hëllef, wann et verletz, mësshandelt, vernolëisseg oder vum Krich betraff war, fir erëm op d'Been ze kommen a seng Würd ermëzefannen.

38 Kanner hu Recht op Schutz a Krichs-zäiten. Kee Kand ënner 15 Joer daerf enger Arméi ugehéieren oder u Kämpf deelzehuelen.

37 Kanner, déi beschëllegt sinn, géint d'Gesetz verstouss ze hunn, daerfen net ermuert, gefoltert oder grausam behandelt ginn. Se daerfen och net liewenslänglech oder zesumme mat Erwuessenen an de Prisong gesat ginn. De Prisong muss ëmmer déi lescht Optioun sinn an dat fir esou kuerz Zäit ewéi méiglech. Kanner, déi am Prisong sinn, mussen rechtlech Hëllef kréien a se mussen a Kontakt mat hire Famillje kënnen bleiwen.

36 Kanner hunn d'Recht, virun all aner Form vun Ausbeutung (dorënner versteet een, dass vun hinne profitéiert gëtt) geschützt ze ginn, och wa se net explizit an der Konventioun ernimmt gëtt.

KONVENTIOUN IWVER D'RECHTER VUM KAND



KONVENTIOUN IWVER D'RECHTER VUM KAND

Design © UNICEF, 2022

KONVENTIOUN IWVER D'RECHTER VUM KAND VERSION A KANNERGERECHTER SPROOCH

D'Konventioun iwver d'Rechter vum Kand ass e wichtige Accord tëschent Länner, déi versprach hunn, d'Rechter vum Kand ze schützen. Se erkläert, wie Kanner sinn, wat fir eng Rechter se hunn a wat de Regierungen (domadder sinn déi gemengt, déi e Land leeden) hir Verantwortung a Bezuch op si ass. All des Rechter si matenee verknëppt an d'selwecht wichtig a kënnen de Kanner net ewechgeholl ginn. Méi Informatiounen ënner: unicef.lu/kinderrechte/ | kannerrechter.lu | okaju.lu



fir all Kand



Ombudsman fir Kanner a Jugendlecher

43-54

Des Artikelen erklären d'Beméiunge vun de Regierungen, vun de Vereenten Natiounen (z. B. Komitee fir d'Kannerrechter an UNICEF) a vun aneren Organisatiounen, fir dass alleguerten d'Kanner vun all hire Rechter profitéieren kënnen.